



D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 2 de outubro de 2020**, adoptou o seguinte acordo:

10.- PROPOSTA DO PROGRAMA DE ACTIVIDADES SOCIOCULTURAIAS DE OUTONO, SAMAIÑ E NADAL 2020-2021. EXPTE. 8609/335.

Visto o informe xurídico do 29/09/2020, dáse conta do informe-proposta do 28/09/2020, asinado polo xestor técnico dos expedientes de Festas e polo concelleiro-delegado de Área, que di o seguinte:

LEXISLACIÓN APLICABLE

- Lei 7/1985, do 2 de abril, reguladora das bases de réxime local
- Lei 40/2015, do 1 de outubro, do réxime xurídico do Sector Público (LRXSP)
- Lei 19/2013, do 9 de decembro, de transparencia, acceso á información pública e bo goberno.
- Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locales (ROF)
- Resolución de 12 de xuño de 2020, da Secretaría xeral técnica da Consellería de Sanidade, sobre medidas de prevención necesarias para facer fronte á crise sanitaria ocasionada unha vez superada a fase III do Plan para a transición cara a unha nova normalidade, modificada pola Resolución de 25 de xuño de 2020.

CONSIDERACIÓNS XURÍDICAS

De conformidade cos artigos 25.1. e 25.2.m da Lei 7/1985, de 2 de abril, reguladora das bases do réxime local, e cos artigos 80.1 e 80.2.n da Lei de Galicia 5/1997, de 22 de xullo, de administración local de Galicia, os municipios poderán promover e realizar actividades culturais.

O artigo 25.1 da Lei 7/1985 determina que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal e conforme o paragrafo segundo de dito artigo o municipio exercerá competencias propias.

É por isto que dentro da planificación das políticas públicas, como clave da xestión pública e coa fin de dotar maior transparencia e publicidade, propónse a elaboración dun Programa do Servizo de Festas, de actividades para o terceiro trimestre de 2020, como documento que recolla de forma sistematizada todos aqueles actos que o conforman e que, unha vez publicitado, permita aos interesados ter una visión global do mesmos.

ANTECEDENTES DE FEITO

A Xunta de Goberno Local, na sesión ordinaria do 6 de febreiro de 2020, aprobou o **“Plan de dinamización e desenvolvemento do servizo de Festas: Liñas estratéxicas básicas de**

	Copia do documento - Concello de Vigo	Data impresión: 13/10/2020 09:05	Páxina 1 de 5
	Expediente 8609/335	CSV: 22E383-268F23-4A2931-JY2NPM-X55D5Q-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

actuación no período 2020-2023” (expediente 8385/335), que recolle os cinco obxectivos do Servizo de Festas e traza as liñas estratéxicas básicas e que son os/as seguintes:

Primeiro.- OBXECTIVOS:

Obxectivo 1.- *Garantir unha oferta sociocultural completa e de calidade para a cidadanía que converta a Vigo nun centro de referencia de ocio e traslade ao exterior unha imaxe de cidade moderna, dinámica e participativa, así como un lugar de referencia de celebración de grandes eventos.*

Obxectivo 2.- *Conseguir a través da programación de actividades socioculturais una acción transformadora do municipio, cara á consecución da mellora da súa calidade de vida. Así como o fomento de valores sociais e culturais na cidadanía, a través da difusión da nosa identidade cultural e da nosa historia.*

Obxectivo 3.- *Favorecer a cooperación entre o sector público e as entidades sen ánimo de lucro no desenvolvemento de programas de actividades de animación sociocultural, de festas tradicionais e patronais que complementen e/ou suplan aquelas de competencia municipal coa fin de apoiar e fortalecer o tecido asociativo.*

Obxectivo 4.- *Favorecer o apoio a actividades organizadas por entidades sen ánimo de lucro ou entidades privadas que sexan de interese xeral e complementen a programación sociocultural municipal.*

Obxectivo 5.- *Xestión e mantemento dos espazos vinculados ao servizo.*

Tendo en conta os obxectivos dende o Servizo de Festas se deseñaron as liñas estratéxicas básicas de actuación orientadas a dar resposta ás necesidades e demandas da cidadanía en xeral e acadar os anteditos obxectivos básicos:

A liña estratéxica 1 : Deseño, desenvolvemento, xestión e execución da programación propia anual *está dirixida á cobertura para a consecución dos **obxectivos básicos do servizo de Festas números 1 e 2** a través do desenvolvemento, xestión, execución e seguimento dos diferentes programas e actividades festivas, socioculturais, de lecer e tempo libre que garantan unha oferta sociocultural completa, de calidade e que contribúan á dinamización sociocultural e fomenten a participación dos cidadáns durante o período 2020-2023. Dentro desta liña se atopa a **Programación de actividades socioculturais de outono, Samaín e nadal** que desenvólvese de xeito anual no último trimestre do ano e está destinado á cidadanía xeral con actividades deseñadas para cada unha das modalidades de público obxectivo (infantil, familiar e adulto). Este programa é un dos máis largos da programación anual do Servizo de Festas pola súa duración temporal e destinado a descentralizar as festas e manter durante o ano unhas actividades socioculturais atractivas para a cidadanía.*

Non obstante este ano, dada a situación de emerxencia de saúde pública xerada pola expansión do coronavirus COVID-19 a nivel de pandemia internacional declarado pola Organización Mundial da Saúde (OMS) e a pesar da finalización do estado de alarma declarado por Real Decreto 463/2020, do 14 de marzo, razóns de protección da saúde pública aconsellan a adaptación das actividades que se executen a programación as medidas preventivas adoptadas pola autoridade sanitaria autonómica tras a superación de todas as fases previstas no Plan para a desescalada (artigo 5 do Real Decreto 555/2020, do 5 de xuño, polo que se prorroga o estado de alarma declarado polo Real decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19)

Neste senso no DOG de data 13.06.2020 publicouse a Resolución do 12 de xuño de 2020, da Secretaría Xeral Técnica da Consellería de Sanidade, pola que se da publicidade do Acordo do



Copia do documento - Concello de Vigo

Data impresión: 13/10/2020 09:05

Páxina 2 de 5

Expediente 8609/335

CSV: 22E383-268F23-4A2931-JY2NPM-X55D5Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Consello da Xunta de Galicia, do 12 de xuño de 2020 e modificada posteriormente, entre outras, por Resolución do 25 de xuño, que ten como obxecto, establecer as medidas de prevención necesarias para facer fronte á crise sanitaria ocasionada polo COVID-19, tras a superación da fase III do Plan para a transición cara a unha nova normalidade e ata o levantamento da declaración de situación de emerxencia sanitaria de interese galego efectuada polo Acordo do Consello da Xunta do 13 de marzo de 2020 co fin de buscar un equilibrio entre a necesaria protección da saúde pública e o incremento no número e intensidade das actividades que favoreza a recuperación da vida social e económica e concretamente a cláusula 2.11 establece medidas concretas respecto actuación coros e agrupacións vocais, 2.12 orquestras, bandas e outras agrupacións musicais, 3.18 actividades recreativas e espectáculos públicos en recintos ao aire libre 3.35 establece medidas concretas respecto festas, verbenas e outros eventos populares.

E por isto que ante a situación actual o Servizo de Festas incrementará a programación na rúa e espazos públicos en distintos puntos do municipio coa finalidade de evitar a afluencia de persoas e garantir o distanciamento social entre o público asistente ás actividades que se programen e tamén atendendo a un principio de descentralización emítese a seguinte **PROPOSTA DE PROGRAMACIÓN:**

1.- PROGRAMA OUTONO - SAMAÍN

Obxectivo: O desenvolvemento, xestión, execución e seguimento dos diferentes programas e actividades festivas, socioculturais, lecer e tempo libre que garantan unha oferta sociocultural completa, de calidade, e contribúan á dinamización sociocultural

Este ano o programa implicarase no aumento das actividades na rúa e en espazos públicos en distintos puntos da cidade ou equipamentos municipais.

A organización e desenvolvemento de actividades nestes lugares conlevará o cumprimento dun protocolo de actuacións, conforme ás medidas indicadas pola Resolución de 12 de xuño de 2020, da Secretaría xeral técnica da Consellería de Sanidade (e polas súas posteriores modificacións).

Público obxectivo: Poboación en xeral, contendo actividades dirixidas a diferentes sectores de público infantil, xuvenil e familiar.

Tarefas e accións: O desenvolvemento do programa concrétase no deseño, difusión, execución e seguimento de diversas accións e actividades. En liñas xerais a programación inclúe as seguintes:

ACTIVIDADES DO PROGRAMA OUTONO – SAMAÍN

Este programa desenvólvese anualmente entre outubro e novembro é inclúe o deseño dunha programación coas actividades que se relacionan:

1.1 - Actividades infantís .-

O servizo programa para os máis pequenos diversos espectáculos de pequeno formato en distintos puntos da cidade coa fin de achegar alternativas de ocio e lecer. Estes eventos poden ter formato de concertos musicais, contacontos, eventos circenses, música tradicional, teatro, maxia, recital, etc.

1.2.- Outono Musical: concertos e espectáculos de pequeno formato.-

Dentro do programa do Outono e Samaín organizaranse eventos de pequeno formato en distintos puntos da cidade estando previsto concertos/espectáculos de público xeral e adultos co obxecto de contribuir a difusión e a promoción da música. O espazo escénico onde se desenvolverán as



Copia do documento - Concello de Vigo	Data impresión: 13/10/2020 09:05	Páxina 3 de 5
Expediente 8609/335	CSV: 22E383-268F23-4A2931-JY2NPM-X55D5Q-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

actuacións será en diversos puntos do termo municipal nas condicións que determinen os protocolos COVID que a dito efecto disporá o servizo de Festas.

2.- PROGRAMA NADAL 2020-2021

Consiste nunha programación de actividades que teñen lugar no mes de Nadal e na primeira semana de xaneiro. Promove actividades socioculturais vinculadas a celebración do Nadal no termino municipal destinado a poboación en xeral inda que as actividades están orientadas principalmente ao público infantil e familiar.

O desenvolvemento do programa concrétase no deseño, difusión, execución e seguimento de diversas accións e actividades entre as que destacan:

- Concurso vinte cos Reis Magos
- Parque infantil de nadal
- Cabalgata de Reis
- Visita do Carteiro Real por barrios e bibliotecas
- Espectáculos infantís
- Recepción oficial dos Reis Magos
- Actividades de pequeno formato en diversos puntos da cidade

Estas accións levaranse a cabo nas condicións que determine a autoridade sanitaria en cada momento e baixo o cumprimento das medidas de seguridade que determinen os plan de seguridade que ao efecto dispoña o servizo.

Polo exposto, previo informe xurídico, elévase á Xunta de Goberno local como órgano competente en virtude das competencias delegadas por Resolución da Alcaldía de Resolución da Alcaldía de data 18.06.2019 modificada por posterior de data 17.08.20 en materia de aprobación de programas, a seguinte

PROPOSTA:

PRIMEIRO.- Aprobar a “PROPOSTA DO PROGRAMA DE ACTIVIDADES SOCIOCULTURAIS DE OUTONO, SAMAÍN e NADAL

SEGUNDO.- Ordenar a súa publicación no “Portal de Transparencia” conforme o disposto no artigo 6.2 da Lei 19/2013, do 9 de decembro, de transparencia, acceso á información pública e bo goberno.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime



Copia do documento - Concello de Vigo

Data impresión: 13/10/2020 09:05

Páxina 4 de 5

Expediente 8609/335

CSV: 22E383-268F23-4A2931-JY2NPM-X55D5Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo

Data impresión: 13/10/2020 09:05

Páxina 5 de 5

Expediente 8609/335

CSV: 22E383-268F23-4A2931-JY2NPM-X55D5Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>